



**Broj predmeta: 06-282/22**  
**Broj akta: 06-728-1/22**  
**Datum: 29.07.2022. godine**

Na osnovu člana 24 Zakona o planiranju, projektovanju i razvoju Brčko distrikta BiH (Službeni glasnik Brčko distrikta BiH, brojevi: 12/19, 23/19, 34/19, 24/20 i 03/21), člana 27 Statuta Zavoda za planiranje, projektovanje i razvoj Brčko distrikta BiH, broj: 11-11/20 od 06. 05. 2020. godine a u vezi s članom 12 Pravilnika o zapošljavanju Zavoda za planiranje, projektovanje i razvoj (broj: 11-14/20, 11-200/21 i 11-373/22) i Odluke o raspisivanju javnog konkursa za prijem u radni odnos, broj predmeta: 06-282/22, broj akta: 06-728/22 od 29.07.2022. godine, direktor Zavoda raspisuje:

## **JAVNI KONKURS za prijem u radni odnos**

### **I - NA NEODREĐENO VRIJEME**

#### **SEKTOR ZA PROSTORNO PLANIRANJE**

##### **1. Stručni savjetnik za izradu dokumenata prostornog planiranja iz oblasti niskogradnje**

(1) **Opis poslova:** zaposlenik čija dužnost podrazumijeva visok stepen stručnosti, odgovornosti i nezavisnosti u obavljanju poslova određene oblasti rada u okviru Sektora u kojem se nalazi, obavlja složenije poslove iz nadležnosti Sektora, prati i proučava stanje u oblasti saobraćaja u Distriktu, izrađuje planove saobraćajne infrastrukture, planove stacioniranog saobraćaja, razvojne i provedbene planove saobraćaja, planira putnu mrežu uključujući gradske saobraćajnice, biciklističke i pješačke staze, te planove saobraćajne signalizacije, osigurava i učestvuje u izradi analiza, elaborata, studija i programa iz oblasti saobraćaja, učestvuje u pripremi programa za izradu urbanističke dokumentacije iz oblasti saobraćaja i pripremi odluka o provođenju razvojnih i provedbenih planova, prati propise iz odgovarajuće oblasti, dužan je obavljati poslove i radne zadatke u skladu s pravilnicima, poslovnica, uputstvima i procedurama i drugim aktima odobrenim od strane direktora Zavoda, obavlja i druge poslove iz djelokruga rada Zavoda, po nalogu neposrednog rukovodioca i direktora Zavoda.

(2) **Uslovi za vršenje poslova:** stečena diploma visokog obrazovanja najmanje VII stepen stručne spreme, odnosno visoko obrazovanje prvog ciklusa koje se vrednuje s najmanje 240 ECTS studijskih bodova, završen fakultet za saobraćaj i komunikacije ili građevinski fakultet – odsjek saobraćajnice ili smjer niskogradnje, najmanje pet godina radnog iskustva u struci, položen stručni ispit, posjedovanje licence Brčko distrikta BiH za izradu dokumenata prostornog planiranja, šifra licence LBD-A2 i poznavanje rada na računaru (Microsoft Office, Auto CAD), poznavanje engleskog jezika, položen vozački ispit B kategorije.

(3) **Vrsta djelatnosti:** Poslovi osnovne djelatnosti.

(4) **Naziv grupe poslova:** Studijsko-analitički poslovi.

- (5) **Složenost poslova:** Složeniji poslovi.
- (6) **Platni razred:** IX1.
- (7) **Koeficijent:** 3,62 (mjesečna osnovna plata 2.367,51 KM).
- (8) **Broj izvršilaca:** 1 (jedan).

## **SEKTOR ZA IZRADU INVESTICIJSKO-TEHNIČKE DOKUMENTACIJE, NADZOR I KOORDINACIJU REALIZACIJE PROJEKATA**

### **2. Stručni savjetnik - Projektant arhitektonske faze - zaštita kulturno-historijskog naslijeđa**

**(1) Opis poslova:** izrada projektne dokumentacije propisane Zakonom, izrada pojedinačnog i zbirnog izvještaja revizije, nadzor nad građenjem, korespondencija s naručiocem posla, izvođačima i ostalim poslovnim partnerima, odgovornost za stručno i ekonomično upravljanje imovinom i sredstvima za rad Zavoda, poslovi usaglašavanja projektnih faza, odgovornost za kvalitetnu i pravovremenu izradu faze projektne dokumentacije, učestvuje u izradi stručnih studija, elaborata, davanju stručnih mišljenja i drugih dokumenata iz nadležnosti Zavoda. Učestvuje u godišnjem inventurnom popisu imovine, provodi mjere zaštite i sigurnosti za vrijeme obavljanja poslova, učestvuje u radu na poslovima i zadacima svoje struke iz djelatnosti Sektora samostalno ili uz uputstva neposredno pretpostavljenog, dužan je obavljati poslove i radne zadatke u skladu s pravilnicima, poslovnica, uputstvima i procedurama i drugim aktima koje odobri direktor Zavoda, obavlja i druge poslove iz djelokruga rada Zavoda, po nalogu neposrednog rukovodioca i direktora Zavoda.

**(2) Uslovi za vršenje poslova:** stečena diploma visokog obrazovanja, u trajanju najmanje četiri godine, odnosno visoka stručna sprema (VSS), VII stepen, minimalno 240 ECTS studijskih bodova, stečeno zvanje diplomirani inženjer arhitekture, najmanje pet godina radnog iskustva u struci na istim ili sličnim poslovima nakon sticanja diplome, položen stručni ispit, posjedovanje licenci Brčko distrikta BiH - licenca za izradu tehničke dokumentacije, šifra licence LBD – B1, licenca za reviziju tehničke dokumentacije, šifra licence LBD – E1, licenca za nadzor nad izvođenjem radova, šifra licence LBD – D1, poznavanje rada na računaru (Microsoft Office, AUTO CAD, neki od programa za trodimenzionalni prikaz objekata), poznavanje engleskog jezika, položen vozački ispit B kategorije.

**(3) Vrsta djelatnosti:** Poslovi osnovne djelatnosti.

**(4) Naziv grupe poslova:** Operativno-tehnički.

**(5) Složenost poslova:** Složeniji poslovi.

**(6) Platni razred:** IX1.

**(7) Koeficijent:** 3,62 (mjesečna osnovna plata 2.367,51 KM).

**(8) Broj izvršilaca:** 1 (jedan).

### **3. Stručni savjetnik – Projektant saobraćajne faze**

**(1) Opis poslova:** izrada projektne dokumentacije propisane Zakonom, izrada pojedinačnog i zbirnog izvještaja revizije, nadzor nad građenjem, korespondencija s naručiocem posla, izvođačima i ostalim poslovnim partnerima, odgovornost za stručno i ekonomično upravljanje imovinom i sredstvima za rad Zavoda, poslovi usaglašavanja projektnih faza, odgovornost za kvalitetnu i pravovremenu izradu faze

projektne dokumentacije, učestvuje u izradi stručnih studija, elaborata, davanju stručnih mišljenja i drugih dokumenata iz nadležnosti Zavoda, provodi mjere zaštite i sigurnosti za vrijeme obavljanja poslova, učestvuje u radu na poslovima i zadacima svoje struke iz djelatnosti Sektora samostalno ili uz uputstva neposredno pretpostavljenog, dužan je obavljati poslove i radne zadatke u skladu s pravilnicima, poslovnica, uputstvima i procedurama i drugim aktima koje odobri direktor Zavoda, obavlja i druge poslove iz djelokruga rada Zavoda po nalogu neposrednog rukovodioca i direktora Zavoda.

**(2) Uslovi za vršenje poslova:** stečena diploma visokog obrazovanja u trajanju najmanje četiri godine, odnosno visoka stručna sprema (VSS), VII stepen, minimalno 240 ECTS studijskih bodova, diplomirani inženjer saobraćaja, položen stručni ispit, najmanje pet godina radnog iskustva u struci na istim ili sličnim poslovima nakon sticanja diplome, posjedovanje licenci Brčko distrikta BiH – licenca za izradu tehničke dokumentacije, šifra licence LBD-B12, licenca za reviziju tehničke dokumentacije, šifra licence LBD-E12, poznavanje rada na računaru (MS Office, AUTO CAD), poznavanje engleskog jezika, položen vozački ispit B kategorije.

**(3) Vrsta djelatnosti:** Poslovi osnovne djelatnosti.

**(4) Naziv grupe poslova:** Operativno-tehnički.

**(5) Složenost poslova:** Složeniji poslovi.

**(6) Platni razred:** IX1.

**(7) Koeficijent:** 3,62 (mjesečna osnovna plata 2.367,51 KM).

**(8) Broj izvršilaca:** 1 (jedan).

Pravo prijave na Konkurs imaju kandidati koji pored navedenih kvalifikacija za radno mjesto moraju ispunjavati sljedeće opšte uslove za zasnivanje radnog odnosa: da su državljani BiH, da su punoljetni, da su zdravstveno sposobni za vršenje poslova upražnjenog radnog mjesta, da se protiv njih ne vodi krivični postupak za sva krivična djela, osim za krivična djela protiv sigurnosti javnog saobraćaja, da se na njih ne odnosi član IX stav 1 Ustava BiH, da u posljednje tri (3) godine (počevši od dana objavljivanja Konkursa) nije prestao radni odnos usljed pravosnažno izrečene disciplinske mjere.

**Potpisana prijava na Javni konkurs** dostavlja se lično u zgradu Zavoda za planiranje, projektovanje i razvoj Brčko distrikta BiH, a poštom prijave treba slati na adresu: Zavod za planiranje, projektovanje i razvoj Brčko distrikta BiH, Lučka b.b., 76100 Brčko distrikt BiH.

Kandidati koji su zainteresovani za prijem u radni odnos po raspisanom javnom konkursu dužni su da podnesu prijavu u propisanom roku, a materijalno i krivično su odgovorni za tačnost podataka navedenih u prijavi.

Neblagovremene i neodgovarajuće prijave Komisija za zapošljavanje neće razmatrati.

Neblagovremena prijava označava prijavu koja nije dostavljena u utvrđenom roku.

Neodgovarajuća prijava označava prijavu iz koje se utvrdi da kandidat ne ispunjava tražene opšte i posebne uslove.

Konkurs je otvoren četrnaest (14) dana od dana objavljivanja na web-stranici Zavoda za planiranje, projektovanje i razvoj Brčko distrikta BiH i traje do 12.08.2022. godine.

Prijava na javni konkurs se vrši putem obrasca "Prijava na javni konkurs za radno mjesto u Zavod za planiranje, projektovanje i razvoj Brčko distrikta BiH", koji se može preuzeti na adresi Zavoda ul. Lučka b.b., svakim radnim danom od 7.30 do 15.30 sati ili na web-stranici Zavoda, [www.zavod.ba](http://www.zavod.ba).

Popunjene i potpisane prijave slati na adresu: Lučka b.b., BRČKO DISTRIKT BiH ili dostaviti lično na istu adresu, najkasnije do 12.08.2022. godine do 15.30 sati.

**NAPOMENA:** Selektovani kandidati s kojim će se obavljati testiranje/intervju o datumu, mjestu i terminu testiranja/intervjua **ISKLJUČIVO SE INFORMIŠU PUTEM SLUŽBENE INTERNET STRANICE ZAVODA ([www.zavod.ba](http://www.zavod.ba))**.

Za diplome koje su stečene u inostranstvu nakon 6. 4. 1992. godine potrebna je nostrifikacija.

**Potpisana prijava koja se podnosi važi samo za navedeni Konkurs.**

Nakon obavještenja o izboru kandidata, u roku od pet dana, izabrani kandidati dostavljaju dokumente kojim dokazuju tačnost podataka kojim se potvrđuje ispunjavanje opštih uslova i kvalifikacija za radno mjesto.

Posebni uslovi iz konkursa moraju biti ispunjeni najkasnije na dan zatvaranja konkursa, odnosno do petka 12.08.2022. godine.

Direktor

Ismet Dedeić, *dipl. inž. saobr.*

